

SPERANZA

Reflexion riba Evangelio (Juan 11:1-45) Diadomingo 5 di Cuaresma, aña A, (24-03-1996)

Dilanti di tragedia, desastre, malesa o violencia cu ta reclama bida di hende den nos comunidad o cualkier otro caminda, nos ta realiza con fragil nos bida ta.

E realidad aki hasta ta haci hende puntra si bida tin nificacion at all, si existencia ta un futilidad.

Tin esnan cu ta mira den dje evidencia di un Dios cu no ta ey.

Con cu ta, morto ta evoca tur sorto di reaccion -- miedo, ansha, curiosidad, rabia, tristeza, incertidumbre y den algun caso, desaffio.

Cu morto di su ruman Lazaro, Marta simplemente ta remarca dilanti di Hesus: "Señor, si Bo tabata aki, mi ruman lo no a muri".

Pero Hesus a declara: "Ami ta resurreccion y bida.

Esun cu kere den Mi, maske e ta morto, lo e bida.

Y cada hende cu ta biba cu fe den Mi, lo no muri nunca".

Palabranan cu por a zona straño na un hende cu sa nada di Hesus, pero si, nan ta palabranan alentador pa esun cu, mescos cu Marta, por a responde: "Si, Señor... Bo ta Yiu di Dios".

Cu e palabranan aki, Hesus no ta prohibi nos di experimento cualkier otro reaccion manera miedo, desilusion, ansia o tristeza.

E mes lo experimenta ansia y tristeza den hoffi di Getsemani.

E mes lo sintie bandona riba cruz.

Pero un cos si, locual E kier pa nos resisti, ta desesperacion.

Cu E ta 'resurreccion y bida' ta riba tur cos, un proclamacion di speranza.

E cu ta Yiu di Dios lo acepta e tragedia di ta victima di violencia pa, muriendo, lo E por a vence morto!

Si nos tin cu describi nos evangelio awe cu un palabra so, e palabra ey ta SPERANZA.

(En realidad henter Evangelio --e Mensahe di Alegria-- ta un mensahe di speranza!)

Hesus kier pa nos carga speranza y biba semper cu speranza, no solamente dilanti di realidad di morto, sino tambe dilanti di diferente realidatnan di bida.

E kier cu den tur cos cu nos haci, den tur nos lucha y esfuerzo, dilanti cualkier meta cu nos kier logra, cu nos keda anima pa speranza.

E teologo Aleman Emil Brunner ta compara speranza cu oxigeno.

Loke oxigeno ta pa pulmon, asina speranza ta pa nificacion di bida humano.

Kita oxigeno y morto pa via di sofocacion ta ocuri; kita speranza y humanidad ta perda rosea, desesperacion ta reina, paralizandona faculadnan intelectual y spiritual door di sinti cu existencia no tin nificacion y meta.

Mes cos cu provision di oxigeno ta necesario pa e organismo humano, provision di speranza ta vital pa humanidad.

Speranza ta impulsa nos pa haci tur loke nos por y mester haci dilanti di cualkier tragedia, desastre, malesa y problema..., na mes tempo cu nos ta pone nos fe y confianza total den Cristo, nos 'resurreccion y bida', cu conviccion cu ni un di e cosnan aki, ni morto mes, lo tin e ultimo palabra.

Dilanti di cualkier filosofia o ideologia cu ta predica futilidad di bida, nos ta proclama cu si, bida y tur cos den dje tin pakico, tin nificacion, maske tal vez nos no ta mire awor-aki.

Cu Hesus ta e 'resurreccion y bida', ta realidad pa nos awor-aki, no solamente pa den futuro.

E kier lanta nos awor-aki for di graf di pasividad y inaccion, di pica y maldad, di tur loke ta stroba cu Spirito cu ta duna bida a podera di nos.

Rebiba pa su Spirito, nos por traha y lucha pa loke ta bon, positivo, recto..., pa loke ta haci bida realmente bida, tanto pa nos como pa otronan.

E bida cu E kier duna nos ta cuminsa awor-aki, y e ta destina pa continua te den eternidad.

Speranza den Cristo no ta un escapada for di dolor, preocupacion y problemanan di bida di tur dia.

Pero si, e ta habri nos wowo pa loke ta bunita di dje, y e ta duna nos curashi pa biba nos bida di tur dia den su plenitud, anima pa Spirito di Cristo cu ta biba den nos.

Riba tur e cosnan aki nos lo triunfa y nos speranza lo no laga nos keda desapunta (cf. Rom. 8:37-39, 5:3-6).

AWE TA DIA MUNDIAL DI METEOROLOGIA

ORANJESTAD (AAN): "Meteorologia na Servicio di Deporte" ta e tema escogi c aña aki door di World Meteorological Organization (WMO) pa actividatnan di conmemoracion di World Meteorology Day, cu ta ser celebra dia 23 di Maart tur aña.

Dia Mundial di Meteorologia a ser celebra desde 1961. E celebracionnan anual ta yuda pa aumenta concientizacion di publico riba e importancia di e contribucionnan di meteorologia y hidrologia pa e desaroyo sostenible di paisnan.

E tema di e aña aki, cu a ser selecta como reconocimiento di e 100 aniversario di Olim-

piada moderno, ta dirigi pa enfoca atencion di publico riba e rol cu meteorologia y e servicionan nacional di meteorologia ta hunga den sostene mundo di deporte.

E organizacion mundial di meteorologia pa hopi tempo a suministra atleta-, organizador-, y fanaticonan di eventonan deportivo grandi, cu informacion basico di tempo y clima esencial pa nan logro exitoso.

Ayera un partnership nobo a ser forma entre World Meteorology Organization y Comité Olimpico Internacional cu e firmamento di un Memorandum of Understanding entre e dos organizacionnan.

E partnership aki lo forma e base pa colaboracion den futuro te cu aña 2000 y mas y lo ta beneficioso pa e organizadornan di Olimpiada di Verano y Invierno na Atlanta 1996, Nagano 1998, y Sydney 2000.

DIRECTIVA NOBO DI ARUBA TIVOLI CLUB

ORANJESTAD (AAN): Aruba Tivoli Club tin un directiva nobo cu ta e siguiente personanan: Sr. Norman Arends, presidente; Sra. Lucy Arends, vice presidente; Sr. Otmar Oduber, tesorero; Sra. Maria Croes, secretaria; Srta. Gyseth Arends, 2da secretaria. Comisarianan: Sra. Angela de Cuba, Sra. Helen Oduber, Sra. Giny Bermudez y sr. Ronny Koolman.

E directiva aki tin hopi plan pa cu bienestar di e club y ta conta riba apoyo y cooperacion di tur miembro, y ta recorda tur miembro riba actividatnan deportivo cu ta tuma lugar mañan diadomingo 24 di maart pa 10'or di mainta ariba e cancha di Club Caribe. Bin apoya y anima boso teamnan.



Flora Landscaping

Un compania joven y dinamico. Pa bo jardin grandi of chikito.

BINI UNO BINI TUR

Descuento riba tur mata di Hulanda di 15% te cu 20%.

Dlanan 22 & 23 di Maart

Nos a caba di ricibi cargamento di pochi mata den diferente tamaño y estilo, tambe saco di gordura den diferente tamaño.

Ta huur heavy equipment: BACKHOE/BOBCAT/DUMPTURCK

Pa mas informacion por yama na Tel: 35053 Fax: 24806

WESTERN UNION

ATENCION!!

Efectivo Inmediato! Servicio De Transferencia de dinero a Colombia. Nuevamente usted puede recibir y enviar su dinero desde nuestra oficina.

NUEVA OFICINA: Giros y Divisas
Carrera 4A no. 10-12
Cali - Colombia

Transferencia a otras ciudades como:
* Buenaventura - Bogota & Pereira

Western Union ofrece un conveniente servicio de transferencia seguro y rapido para todos sus necesidades. Para mas informacion, llamar al Telf.: 22473

Transferencia di placa cu a wordu manda afor no a wordu reclama!

Western Union tin placa cu no a wordu reclama riba transferencia desde 1993 pa Maart 1996. Wak si bo transferencia(nan) no a wordu reclama. Ta requeri cedula cu potret y recibo pa haci e reclamo.

Yama Western Union na 22473 pa mas informacion.

Western Union.....e manera mas-liher pa manda placa afor na tur parti di mundo. Situa banda di oficina di De Palm Tours, L.G. Smith Blvd. 142